

AB

123806











Ein Sermon

von dem grausamen
vnd vnmenschlichem laster des
volsauffens/ vnd wie es Gott mit
ewiger vnd zeitlicher plage/ auch
durch den Türcken/ zu straffen
drawet/ Aus dem funfften
Cap. Esaie genomen.

D. Eberhardt Weydensehe

67
Esaie. v.

Wehe denen so Welden sind
wein zu sauffen/ vnd Krieger
mit bierzechen.





AB 123 896

L. 2, 3355

Der gantzen Christlichen Gemeine
zu Dalberstadt / Meinen lieben Herrn / vnd
Brüdern in Christo.

Lieben Herrn vnd Brüder / wiewol es bey mir vn
gezweiffelt ist / das Ewer itzigen Prediger (Do /
mit euch der Vater der Gnaden gnediglich be /
gabt / vnd versehen hat) getrewlichen / vnd ires hö /
hesten fleys / euch das reine Wort Gottes vortra /
gen / Auch laster vnd schand (wie sichs gepürt) vn /
gestrafft nicht lassen. Weil ich aber dennoch mich
(als ein Probst zu Sanct Johan / wiewol vortrie /
ben) vor Ewren Obersten Pfarherrn vnd Pastor
erkenne / vnd bey euch meins gebörlichen Predig /
ampts mündtlich zu pflegen / durch die / so doch
selbst nicht Predigen können oder wollen / vnd sind
eben (wie man sagt) als ein hundert bey der Krippen /
verhindert vnd gewehret werde / So kan ich doch
nicht vnterlassen / zum wenigsten mit schrifft /
euch zu zeiten eine Predigt zu thun / Vnd bewegt
mich sonderlich dazu / das ich vorzeiten / do ichs
(weiss Gott) nicht besser wuste / durch mich selbst /
vnd die so ich euch zu Pfarherrn vnd Cappellanen
verordent / euch schendlich verführet habe / dieweil
ich denn newlich meinen Gosslarischen einē schreck
lichen Sermon vom Dollsauffen gethan habe / vnd
ein gross geschrey von euch gehet / als sollen Ewer
auch ein gut teyl (wie leider itzt allenthalben der
missbrauch ist) sich des Dollrincens beflissig /
A ij gen /

gen/habe ich denselbigen Sermon auff's Papyr ge-
bracht / vnd euch zum frölichen vnd glückseligen
eingang dieses Newen jars geschenckt / vnd zuge-
schrieben / Mit fleissiger bitt / jr wollet solchs für
gut / vnd zu danck annemen / wie ichs denn von her-
tzen wol vnd getrewlich meine / vnd so jr aus solcher
schriffte lernen werdet / welch eine grausame vnd vn-
menschliche sünd / vnd verdamlich laster / das Volls-
sauffen ist / Auch wie grausamlichen solch laster
Gott drawet zu straffen / mit zeitlicher vnd ewiger
plage / euch solchs nu mehr enthaltet / Vnd wie sol-
chen so das lauter Wort Gottes teglich hören /
vnd belieben / zugehöret / sein nüchtern / inessiglichen
vnd züchtigen / lebet / Auff das jr solcher grewlicher
straff Gottes entgehen / vnd in Gottes gnad vnd
hulde zeitlich wol faren / vnd ewiges leben erlangen
mügt / durch Ihesum Christum vnsern Herrn / vnd
lieben Heilandt / **AMEN.**

D. Eberhardt Weydensehe.

Von dem vnmensch- lichen vnd grausamen laster des Dolsauffens.

Esaiē. V.

Wehe denen / die des Mor-
gens frū auff sind / des sauffens sich zu fleissigē/
vñ sitzē bis in die nacht / das sie der Wein erbitzt /
vnd haben Harpffen / Psalter / Pauken / Pfeis-
ffen / vnd Wein in irem wolleben / vnd sehen nicht
auff das werck des HERRN / vnd schawen
nicht auff das geschafft seiner hende / Darumb
wirt mein Volck müssen weg gefürt werden /
vnuorsehens / vnd werden seine Herrlichen
Dunger leiden / vnd sein Pöbel Durst leiden /
Daher hat die Helle die seele weit auffgesperret /
vnd den Rachen auffgethan / on alle masse / das
hinunter fahren / beide ire Herrlichen vnd Pö-
bel / beide ire Reichen vnd frölichen. etc.

Lieben freunde / dieweil wir in der Ordnung
des Texts Esaiē / an diese Lektion sind komen / dor-
in Gott den seuffern mit ewiger vnd zeitlicher stra-
ffe drawet / auch doneben sehen / wie itzt mit trotzi-
ger vorachtung Gottes / vnd seins drawens / in der
vnmenschlichen vnd grausamen sünd des Dolsauf-
ffens

A ij

ffens

ffens/alle welt/sonderlich Deudsch Landt/ligt vnd
versoffen ist/also das es nu nicht mehr fur sünd / ja
viel mehr fur ein ehrlich ding geachtet wird / wol/
len wir itzt gründtlich aus der schrift dauon reden/
mit anzeigung/was vor ein grausame/ schendliche/
vnd vordamliche sünd das vollsauffen für Gott ge/
achtet wirt/vnd wie es Gott mit zeitlichen vnd ewi/
gen plagen grausamlichen straffet/vnd das nicht
mit vielen weitleufftigen Worten/wollen auch (Kür/
tze halben) nicht alle sprüche der heiligen schrift/
hieher dienlich anziehen/Auch nicht melden / wie
heftlichen / vnd wie mit so heftigen Worten / die
Weltweisen von diesem laster geschrieben haben/
Als das sie es zum teyl genennet haben / volun/
tariam insaniam / willige unsinnigkeit vnd der
gleichen / wollen auch nicht vortzelen/den grossen
vnradt vnd schaden / so dem menschen an seinem
leib vnd lebend widerferet aus trunckenheit/wie die
Artzten dauon schreiben/vnd die tegliche erfahrung
leret / Sondern wollen schlechts bey diesem Text
Esaie bleiben / vnd den auffss aller einfeltigst han/
deln / daraus wollen wir wol lernen / wie vor eine
grosse/wichtige/vnd vordamliche sünd das sauffen
Gott achtet/welchs itzt von den Leuten so gar ge/
ring/vnd fur keine sünd gehalten wird.

Wehe denen. etc.

Erstlich saget Gott durch den Propheten/wes/
he/vnd verurteilt damit alle seuffer zum ewigem wes/
he vnd

he/vnd Hellischen feur/das sol sie bestan/vñ nãm/
mermehr vorgan/wer istis der nu sagen wil/das voll
sauffen nicht/oder ein geringe sünd sey? dieweil wir
hie hören/das es ins Hellisch feur gehört / wie es
denn auch Paulus Galla. v. zelet vnter die werck
des fleisches / mit diesem anhang/von welchen ich
eu. ch zuuor gesagt habe/vnd sage noch zuuor/das/
die solchs thun/werden das Reich Gottes nicht er/
ben/Item j. Corinth. vj. Last euch nicht verführen/
wedder die hurer/noch die Abgöttischen / noch die
Ehebrecher/noch die weichlinge/noch die Knaben/
schender / noch die diebe / noch die geitzigen/noch
die Trunckenen / noch die lesterer / noch die reuber/
werden das Reiche Gottes ererben/Last die seuffer
hie auch auff mercken / vnd sehen / welch ein sünd
vnd laster Trunckeneit ist/dieweil es vnter so grau/
same vnd schendliche laster vnd missethat gezelet
wirt / vmb welcher willen der mensch des Reichs
Gottes beraubet wird.

Nu muss man ja die ding nicht nach der Welt
gericht / besondern nach Gottes Wort vnd vrteil
achten/Denn wie solt die geblendte vnd geschendte
Teuffels hure/die Welt/richten können/was Gött/
lich oder vngöttlich/sünd oder nicht sünd sey/So sie
doch nicht richten kan was Gott oder nicht Gott
sey? Muss doch der Teuffel jr Gott / vnd Gott jr
Teuffel sein/was sagten de Juden zu Christo / dem
Son des lebendigen Gottes / Joh. viij. Du hast
den Teuffel etc. Also sagt auch Paulus j. Corint. ij.
von der Göttlichen Weysheit (welche durchs E/
A iij uangeli/

ngelion gepredigt wird) das sie niemandt von
den Obersten dieser welt erkant habe / Denn der
Gott dieser welt hat der vngleubigen sinn verblen-
det / das in nicht scheint die erleuchtung des Euan-
gelij / von der Klarheit Christi wie auch Paulus sagt /
ij. Corinth. iiij.

Darumb müssen wir die Trunckenheit nicht
nach der Welt achtung richten / sondern nach
Gottes Wort / vnd vrteil / dieweil denn Gott die
Trunckenē zelet / vnter diebe vnd reuber / Ehebrech-
er vnd Knabenschender / Abgöttische vnd lesterer / be-
raubt sie seins ewigen reichs / vnd verurteilt sie zur
ewigen verdammus / müssen wir warlich auch /
Gottes vrteil nach / richten vnd sagen / das ein Voll-
seuffer eben so böß ist / Als ein Ehebrecher / Knaben-
schender / Abgöttischer / Dieb vnd Mörder etc. vnd
wird nicht Gottes Reich / sondern mit den Teu-
ffeln / vnd allen verdampfen / das hillische ewige
fewr ererben / Also sehen wir / das ein seuffer von
Gott / vnd in Gottes gericht / gleich einem Ehe-
brecher / Knabenschender / Diebe / vnde Reuber / ein
vnfletiger / vn sauber / stinckender sänder / vnd ein ver-
dampter vnd verurteilter misstheter ist / die Welt
sage vnd halte dauon was sie wolle.

Ja sagstu denn das mag man vorstehen / von
den / die jmer oder oft toll vnd voll sauffen / Sunst
zu zeiten / mit guter Gesellschaft / ein mal oder zwey
sich vbertrinken / gehet wol hin / vnd man muß das
so genaw nicht nemen. Wolan ich hē: e wol was
du sagest / Nu höre du auch was Gott saget / Du
solt dich

solt dich nicht voll trincken/Ephe.v. Luce. xxi. Ja er hats auch vorboten im Sechsten gepot/ etc. Die weil nu Gott eben so wol das voltrincken als Eß brechen/ Knabenschenden/ Lestern/ Stelen/ Rauben. etc. vorpotten hat/ wie gehort/ wiltu denn sagen/ Ein mal oder zweyer voltrincken gehet wol hin/ So mustu auch sagen/ Ein mal oder zweier die Eß brechen Knabenschenden/ Lestern/ Stelen/ Rauben/ gehet wol hin/ Daraus wil denn folgen/ das Gott keinen Dieb/ Reuber/ Knabenschender/ Eß brecher etc. vordammen müsse/er hats denn mehr denn ein mal oder zweyer gethan.

Weiter so mustu es auch lassen hin gehen wen dir einer ein mal oder zweyer bey deynem weibe schlefft/ vnd sagen/ Ey man mus es so genaw nicht nemen/ Ein mal oder zweyer geht wol hin/ Must dich auch ein mal oder zweyer bestelen vnd berauben lassen/vnd sagen/ ein mal oder zweyer gehet wol hin/ was wil aber daraus folgen. Nemlich/ das auch Gott vnd die Weltlichen richter niemandt vorurteylen oder vordammen müssen/ der nicht mehr denn ein mal oder zweyer/ die Ehegebrochen/ Knabenschendet/ Gott gelestert/ Gestolen/ oder geraubt hat/ besondern weil es nur ein mal oder zweyer geschehen ist/ mus man es lassen hin gehen/ Nun thuts Gott nicht/ die weltlichen richter thuns auch nicht/ besondern es heist/ du hast ein mal oder zweyer die Ehegebrochen/ Geraubet/ Gestolen/ etc. Darumb mustu dein recht aufs stehen.

B

Die

Die weyl nun ein mal oder zweyer / Ebrechen/
Knabenschenden / Stelen / Rauben etc. nicht wol
hin gehet/besondern ist missgehandelt / vñ billicher
straffe wert / Im Göttlichen vnd weltlichem ge-
richt/Warumb sol denn ein mal oder zweyer voltrin-
ken / wol hin gehen / vnd nicht als vbel gethan vnd
missgehandelt / gestraffet werden? Gehets aber
wol hin/vnd wirt nicht gestrafft von den menschen
(ja auch wol jmer voll vnd toll sein gelobt) meinstu
darumb das Gott deynem vnd der vnsinnigen welt
gericht nach folgen wolle? Nein/Besondern wie es
heist/wer ein mal die Ebrecht/Knabenschendet/
Estert / Stilt / Raubt /der wirt Gottes reich nicht
erben/besondern das Dellischs feur/vnd ewig we-
he sol in bestan vñ nymernehr vorgan / Also heists
auch/wer ein mal wissentlich voltrinckt / der wirt
Gottes reich nicht erben/sonder das Dellisch feur
vñ ewig wehe sol in bestan/vñ nimer mehr vorgan/
Den einen wie dem anderen/ so geschüt niemandt
vnrecht/Bedunckt dich aber dis gestreng vnd hart
sein / so wyls das Gott ein gerechter vnd strenger
richter ist / yber alle so seine gepot vbertreten / vnd
wil damit nicht geschertzt / besondern sie gehalten
haben / biss auff den geringsten buchstab/bey vor-
meidung seiner vngnad / vnd ewiger vordamnuss.
Math. v.

Ja sprichstu denn / ist doch volsauffen nicht
new/ Dat man doch wol vor tausent vnd aber tau-
sent jaren volgesoffen / ist ein alte gewonheit/wir
habens

habens nicht allererst angefangen / oder erdacht /
vnsere vorfaren habens an vns gebracht / Wollan /
sol vollauffen nicht sünd / besonder recht vnd wolge
than sein / der langen gewonheit vñ alten gebrauchs
halben / So muss man keine Rechte oder Gesetze
achten / wenn man vrteilen wil / was vbel oder wol
gethan sey / besondern nur schauen was gewönlich
sey / Es heist aber / man muss nicht achten was ge
schehen ist / oder geschieht / besondern was gesche
hen soll / vnd was Gott haben wil / wie man auch
spricht / Tausent jar vnrecht / wart nye kein stunde
recht / darumb gepot auch Gott den Juden Leuit.
xviij. jr solt nicht thun / nach den wercken des Egypt
ten Lands / darinne jr gewonet habt / Auch nicht
nach den wercken des Lands Canaan / darein ich
euch füren will / sondern nach meinen Rechten solt
jr thun etc.

Das man vor tausent vnd tausent jaren vollges
soffen / so hat man vor tausent vnd tausent jaren
auch die Ehe gebrochen / Knabengeschendet / gebu
ret / Abgötterey getrieben / Gestolen / vnd Geraubt /
vnd ist sehr ein alter gebrauch / ist darumb kein
sünd ? Es ist auch fast ein Alter gebrauch menschen
töden / vnd ist zeitlich am anfang der Welt angan
gen / do der Erstgeborne mensch Cain seinen brus
der Nabel erschlug / vnd wie viel tausent mal tau
sent menschen sind seit der zeit wol erschlagen / vnd
ermordt ? ist darumb todtschlahen kein sünd ?

Wacht nuhn der lange gebrauch vnd alt her
B ij komen

Komen nicht/das Ehebreechen/huren/ Knabenschentzen/lestern/ rauben / stelen / todtschlahen kein sünd sey (denn man kan wider Gottes gepot nicht prescribiren / oder mit einer langen widerigen gewonheit sie auffheben / die weil sie sind Gottes ewiger wille) So macht auch langer gebrauch vnd alt herkommen nicht/das volltrinken kein sünd sey/dieweil es Gott verpoten hat / wie gehort / ja du solt dis wissen/ists auff Erden bey den menschen ein alter gebrauch vnd lang gewonheit gewesen/das man wider Gottes gepot hat vollgesoffen / so ists auch im himel bey Gott/ein alter gebrauch vnd lang gewonheit von alters her gewesen/das er alle die sich vollgesoffen/vnd nicht Bus gethan haben / ins Dellische feur hat geworffen/Wiltu nu der alten gewonheit der menschen nach/dich voll trincken/so mustu auch gewarten / das dich Gott seiner alten gewonheit nach/ins ewige Dellische feur werffe/das vnd kein anders.

*parvhoim
M. E. E. E.
Li.*

Ja was wils denn werden/sagstu/Wüssen alle so sich voll trincken verdampft werden / So werden gar wenig menschen selig werden/sonderlich itzt zu diesen zeiten/ist doch der gemeine brauch itzt in aller Welt/wer seufft itzt nicht? Sauffen doch Könige vnd Fürsten/Edel vnd vnedel/Pawr vnd Bürger/seuffstu nicht / so hastu nicht / wolan es ist ja war/vnd leider all zu war/das das schendliche vnd vn menschliche laster des volltrinkens itzt hat vberhandt genomen allenthalben / ists aber darumb recht/

recht oder meinstu Gott wolle der Juristen Regu-
len volgen/die do sagen/Ob populum multum cri-
men pertransit multum/vnd lassens so vngestrafte
hin gehen/die weil so viel in der schuldt sind? Nein
warlich/höre was er sagt Exo. xxiij. Du solt nicht
folgen der mennige zum bösen etc. Syrach Cap.
vij. Verlass dich nicht drauff/das der hauffe gross
ist/mit denen du vbel thust/sonder gedencke das dir
die straffe nicht fern ist/Man sagt wol von mensch-
lichen Rechten/sie haben eine wechsele nase/vnd ist
war/sie müssen auch zuzeiten haben/denn man
muss alzeit nicht des gestrengē Rechts gebrauch-
en/sondern nach gelegenheit/vnd sonderlich wenn
ein grosser hauffe in der schuldt ist/vbersehen/Sonst
wolts heissen/Summum ius summa in iusticia/Als
ber Gottes Recht hat eine schelene nase/lest sich
nicht ein har breit lencken/wer do wider thut/der
muss sterben/vund wens auch alle menschen zu
gleich weren.

Es stehet geschrieben Gene. vij. Gott sahe auff
Erden/vnd sihe/sie war verterbt/denn alles fleisch
(das ist alle menschen) hatte seinen weg verterbt
auff Erden/Lieber liess Gott auch das mal die
menschen hin gehē vngestrafte/weil irer so viel war/
ja sie fast alle schuldig weren? Nein trawen/Son-
dern dieweil irer so viel war/das bewegt in aller erst/
das er must vber sie die straffe der grausamen Sint-
fluth komen lassen/Wetten auch in Sodom vnd
Gomorrah zehen frome menschen mügen funden
werden/

B ij

werden/ Gott hette irer geschonet / weil sie aber alle
samt / jung vnd alt / schendliche sündler weren / dar
umb eilete Gott auch mit der straffe / vnd Regente
Schweffel vnd feur herab vber sie etc.

Also wird Gott auch das sauffen nicht vnge
strafft bleiben lassen / darumb das es so gemein ist /
besondern eben darumb das es so gemein ist / wird
er mit der straffe eilen / wie er denn auch bereit graw
samlich straffet / wiewol es wenig hilfft / dauon her
nach weiter .

Wir müssen aber auch eben wol bedencken /
das wenig Christen sind / auch vnter den Christen /
sonderlich itzt in diesen letzten ferlichen grawsamem
zeiten / in welchen (wie Christus sagt) die vngerech
tigkeit hat vberhandt genomen / vnd sind sonder
lich itzt irer wenig / die durch die engen Pforten /
vnd den schmalen weg / zum leben eingehen / Aber
viel den breiten weg wandeln / vnd durch die weite
Pforten / ins verdammnis gehen / wiltu denn nu mit
dem grossen hauffen sauffen / so wirstu auch mit
dem grossen hauffen ins ewige Hellische feur ge
worffen werden / da wirstu als dann wol innen wer
den / ob dir die Hellische peyn geringeren wird / das
du wirst viel Gesellen darinne haben / Augustinus
sagt / Non minus ardebit / qui cum multis ardebit /
welcher mit vielen wird brennen / der wird deste we
niger nicht brennen .

Ja sagen etliche / trincken doch vnser Prediger
wol

wol mit/wolan so weis man dennoch wol/das viel
fromer redlicher menner sind/vnter den itzigen Pre
digern/welche im forchten Gottes leben/also das
man sie sauffens halben nicht schuldigen kan / Ob
nu aber auch etliche funden werden/die mit in haus
ffen sauffen / ist's darumb recht/ vnd wolgethan
wen dem so were/so müste stelen vñ verrathen auch
nicht vbel gethan sein / Denn Judas war ein dieb
vnd verrether/vnd war dennoch auch ein Prediger/
ja der zwölff Apostel einer/ So wenig als nuh ein
dieb oder verrether sagen kan / stelen vnd verrathen
ist kein sünd/denn Judas der Apostel war auch ein
dieb vñ verreter/so wenig kanstu sauffer auch sagē/
sauffen ist nicht sünd/denn vnser Predicanten sauf
ffen selbst auch.

Halt du dich nach dem spruch Christi/Matt.
xxiij. Auff Moses stul sitzen die schriftgelerten vnd
Phariseer/Alles was sie euch sagen das jr thun sol
let / das haltet vnd thuts/ Aber nach iren wercken
solt jr nicht thun/denn sie sagens vnd thuns nicht/
Oder meinstu die heilige Christliche kirche hats itzt
besser/vñ sey gewisser/in der erwelung der Bischoff
vnd prediger / wenn Christus selbst? Er betete die
gantze nacht zuuor/als er wolt den folgenden tag
die zwölff Apostolen erwelen / vnd dennoch warff
im der Teuffel einen Judas darunter/Es hat noch
nye gefeilet / wird auch bis an den Jüngsten tag
nicht feilen/das nicht solten vnter den Bischoffen
vnd Predicanten Judasse (das ist lesterliche Leute)
B iiij gefunden

gefunden werden/ Nun hat Judas aus Christus
befehl / das Euangelion geprediget / eben wie die
andern Apostel / Krancken gesundt gemacht / vnd
Teuffel außgetrieben / was er also gethan hat / das
hat er als ein Apostel Christi gethan / vnd ist eben so
recht vnd gut / als das die andern Apostel gethan
haben / das er aber gestolen vnd verrathen hat / das
hat er vor sich selbst gethan / das hat im Christus
nicht befohlen / Also lass es auch gelten was vnser
Bischoffe vnd prediger aus vnd nach Christus be-
fel thun / was sie aber fur ire personen thun / das lass
dich nicht irren.

Sie wissen wol / was inen Paulus fur ein Lec-
tion hat auffgeben / in der Epistel zum Thimot. vnd
Tito / thun sie nicht darnach / sondern sauffen vnd
fressen mit dem hauffen / so werden sie irem richter
nicht entlauffen / der wird komē am tage des sie sich
nicht versehen / vnd zur stund die sie nicht wissen /
vnd wird sie zu scheitern / vnd wird in ir lohn ge-
ben / mit den heuchlern im hellischen feur / Matth.
xxiii. Denn sie sündigen mit irem sauffen vñ wilden
leben / viel gröblicher / werden auch ein grösser ver-
damnus haben / denn der hauffe / Zum ersten dar-
umb das sie wider Gottes gepot thun / Zum An-
dern / das sie mit vbersauffen iren kopff / sinne / vnd
vernunft / verderben / vnd ein rho wilt gemüt vberko-
mē / also das sie vngeschickt werden / zu irem Ampt /
welchs ist studiren / Predigen / beten / etc. Vnd denn
auch zum Dritten / das sie ein böss Exempel von
sich

sich geben/also das sich viel an jnen ergern / vnd vnser
Ampt lestern (wie Paulus sagt) verderben vnd
verstören mehr mit dem Leben / denn sie mit dem
mund bawen vnd besseren/Sie solten wie ein schön
ne licht im hause Gottes leuchten / Nu leuchten sie
wie dreck inn der Latherne / wollan es müssen ja
(wie Christus sagt Matth. xvij.) ergernis komen/
Aber wehe dem menschen / durch welchen ergernis
kومت etc. Es sagt Crisost. einen feinen spruch/pris
ma doctrina est videre bonum/secunda autem audi
re/Es ist das vornemlichst in der lere / das man ei
nen fromen man sibet/vnd denn darnach/das man
jn auch höret/sunst heists/du lereft andere / vnde le
rest dich selber nicht/du predigest man sol nicht sau
ffen/vnd seuffst selber auch etc.

Nu ist noch eins/welchs etliche vorwenden / vn
sagen/wie soll ich jm denn thun? ich mus ja zu zeite
bey der gesellschaft sein/thu ich denn nicht gleich/
so mus ich der andern spott vogel sein / möchten
auch mit mir zürnen/vnd vnwillig werden / wollan
gilts denn jo den Leuten zu gefallen thun was Gott
verboten hat/vnd jnen in solchen fellen Gesellschaft
leisten/So gehe auch hyn / brich die Ehe / Hure/
Spiel/Raub / Mord / Nordbrenne/mit der Gesel
schafft / vnd siehe wie du auch mit solcher gesel
schafft zum bad komet/Gute gesellen(spricht man)
bringen manchen an den Galgen/du hast ja vor ge
hort/das vollsauffen eben so bößs vnd vbel gethan
ist/als die jtz vorzalte laster/vnd gehört mit den sel
bigen

C

bigen

bigen ins Delligche Fewr/wiltu denn / auff das du
der menschen spott vnd vngunst vormeidest / Got/
tes zorn vnd vngnad auff dich laden / vnd warten
das er dich ins Delligch Fewr stoffe. Soll man nis
cht Gott mehr fürchten/vnd vor augen haben/den
die menschen.

Darumb wenn du bey Leuten sitzest/so acht
drauff/ob sie frome Gottfürchtige Leute sind/oder
nicht/Sind sie Gottfürchtige frome Leute/so wer/
den sie dir gewisslich nicht verargen / das du mit
ybertrincken dich wider Gott deinen Schepffer
nicht wilt vorsündigen/ja viel mehr werden sie dich
darumb loben vnd preysen / vnd durch dich gebes/
fert werden/wie Christus sagt Matth. v. laßt ewer
Licht leuchten / vor den Leuten/auff das sie ewre
gute werck sehen / vnd preysen Ewren vater im hy/
mel etc. Sind sie aber vngottfürchtig / rhohe / vnd
wilde Leute/was darffstu denn gross achten / das
solche Leute dich loben oder schelten / zürnen oder
lachen/welche vor Gott vnd redlichen Leuten kein
Ehre haben / vnd mit welchen Gott zürnet. Du
mußt hie gedenccken / es sey bey irem zürnen/loben/
oder schelten/nicht geblieben / Es heist / Der ist nie
cht beweret/welchen die menschen loben / sondern
den Got lobet der ist bewert/wie auch sunst anderst/
wo Paulus spricht / wenn ich noch den menschen
gefiel/kündt ich Christus diener nicht sein etc.

Du hast vor gehört/was es für Leute sind die
so sauffen/vnd dich nu wollen mit in jr Register vnd
geselschafft haben/Nemlich eben so gut/als Diebe/
Reuber/

Reuber/ Knabenschender/ Durer/ Gottslesterer etc.
dem Ewigen wehe vnd hellischen feur zu geurteilt/
wiltu diesen mit sauffen hoffyeren/ so wirstu in
gleich sein/ in der missethat/ vnd auch in der vor/
damnus/ Also hastu denn bey solchen losen verthern
preyßs vnd Ehre/ Aber bey Gott hastu ewige schan/
de vnd verdammus/ du wilt der menschen vngunst
entgehen/ vnd felst in Gottes ewigen zorn vnd vn/
gnade/ vnd geschiehet dir denn/ Als Diob. vi. ge/
schriebē stehet/ welche sich fur dem Keyffen schewē/
vber die wird der schne fallen/etc. Höre was Gott
von solchen starcken trenckeren sagt Esa. v. wehe
denen die Helden sind Wein zu sauffen/ vnd kriger
mit Byerzechen/ was haben sie denn/ vnd du mit
in/ mit irer manlichen that/ erjaget/ vnd vor einen
rhum eingelegst.

Vnd zwar wo noch redliche Leute sind die hal/
ten warlich solche Wein vnd Bier schleuche (vnd
das nicht vnbillich) nicht vor Ehrliche Leute/ son/
dern fur grobe rangen vnd sögen/ vnd vergleichen
sie (wie auch Plinius) den Laugesacken / die sich
beduncken lassen/ man könne sunst nicht Wein vnd
Bier verterben/ vnd zu nicht machen/ man müßs es
durch einen menschlichen cörper/ gleich wie durch
einen Laugesack / lecken vnd durch lauffen lassen/
Den was sind solche leute/ den rechte Laugesackes
Giessen jmer Wein vnd Bier oben ein / vnd wens
zu lauge worden ist / lassen sie es vnten wieder aus
lauffen / ja es steigt zu zeiten wol oben wieder aus/
vnd geußt sich da wieder auß / do es eingossen
ist / vnd geschiet (wie Hieronimus sagt) das / was

C ij

schendy

schendlichen eingossen ist / noch viel schendlicher
wider auffgegossen wird / pfy der schand / Das sind
denn die starcken Helden / vnd Bierkriger / die kün-
nen also ire manheit mit Ritterlicher that beweisen /
wollan wer Gott fürchtet / vnd zucht vnd Ehre be-
liebet / der lasse sich nicht gelüsten / das er von solchen
vnfletigen / schendlichen / Thierischen leuten / ja (was
noch mehr ist) verdampfen sündern vnd missthe-
thern / wolle gerhümet sein / Sondern hüte sich da-
vor / als vor dem Todt / vnd Delliischem feur / das
er bey solchen Leuten ja keine Ehre oder rhum ein-
lege / sonst wird inen mit den selbigen / das ewige we-
he bestan / vnd nimmermehr vorghan. Nu volget
weiter im Text.

Vnd sehen nicht auff das werck
des **HERRN** / vnd schawen nicht auff das ge-
schefft seiner hende.

Wir haben nu gehört die ewige plage der voll-
trincker / wollen nu hören wie sie Gott auch hie auff
Erden mit zeitlichen plagen straffet. / Denn zu erst
werden sie mit blindheit ires hertzens geschlagen /
welche plage gehet vber alle plage / welches ist denn
die blindtheit? Esaias sagt / das sie nicht sehen auff
das werck des Herrn etc. Das ist / Sie sauffen das
sie stahr blindt werden / das sie auch mit offenen
augen nicht sehen können / was können sie denn ni-
cht sehen? Des **HERRN** werck können sie nicht ses-
hen /

hen/welchs ist denn des Herrn werck? Er redet hie
nicht von dem wercke der schepffung der Creature/
denn das können auch die Gottlosen wol sehen/
dauon Ro. 1. sondern redet vom werck der vorlösung
dauon Joh. vi. doselbst sprachen die Juden zu
Christo / was sollen wir thun / das wir Gottes
werck wircken? Do antwort Christus / Das ist
Gottes werck / das jr glaubt an den/den er gesand
hat / Solcher glaube macht Gottes Kinder Joh. 1.
Gottes Kinder sind auch Gottes erben Roma. viij.
So ist nun Gottes werck / das er vns den glauben
gibt an Christum / vnd da durch vns macht das
wir seyne lieben Kinder / vnd erben seins Reichs
werden.

Aufs diessem werck das Gott selbst an vns
thut/folget denn auch/das die lieben Kinder vnd er
ben Gottes / auch zu werck komen / nemlich das
sie nüchtern / messiglichen/vnd züchtigen leben/vnd
vben sich inn guten werken / vnd wolthat / gegen
jederman / seind gedültig im leyden / vnd creutz/de
mütigen sich vnter der gewaltigen hand Gottes
etc. Solchs ist auch des Herrn werck/erstlich das
es aufs seinem geheyss vnd nach seinem wyllen ge
schiet/darnach das ers in vnd durch vns werckt etc.
dauon Ephe. ij.

Auff solche werck des Herrn sehen die seuffer
nicht / Denn zum ersten fragen sie nach Gott vnd
seinem wort nicht / fürchten Gott nicht / glauben
Gott

C iij

Gott

Gott nicht/haben in nicht vor augen/sondern leben
dohin als vnuornünfftige Thier/vnd stehen ire ges
dancken vnd gemüth eben/als were kein Gott/Zum
Andern achten sie nicht/was Gott gepent vnd ha
ben will / das sie thun sollen/Nemlich gute werck
nach seinen Gepotten/besondern sie sind rauchlos/
wild/vngehewer/zu allem Göttlichen vnd Bürger
lichen Erbarn leben / gantz vngeschickt.

Das ist das auch Salomon sagt/Prover. xx.
Wein macht spötter / vnd starck getrenck macht
wilde/wer do lust zu hat/der wird nicht weyse/Also
redet der Weyse man nicht von Weltlicher Weis
heit/den man find wol gute starcke trencker/so den
noch doneben weltfluge sind/wiewol es nicht wol
abgehen kan/das inen das sauffen nicht solt viel ge
schicklichkeit benemen/wie dem nu sey/Salomen re
det von Göttlicher Weysheit / domit vns Gott
weyse macht/in Göttlichen sachen/durch sein wort/
vnd Geist / das wir wissen künden/was Gott ist/
was Christus ist / was Todt / was lebend ist/ was
Sünd ist/was gerechtigheit ist/etc.vñ das wir Gott
lieben vnd vor augen haben/in glauben vnd getra
wen etc. von solcher weisheit sind die Seuffer weit
weit/ja sie habens ire spott/vñ achtens gar nichts.

Wie auch Petrus sagt/das in den Letzten ze
iten/werden spötter komen/das ist / rohe vnachtsa
me Leute/Epicurer/Trunckenbolten/welche wieder
diss noch genss glauben/Achten Gott vnd seiner ge
pot



pot vor nichts/vnd wenn man inen von Geistlichen
Christlichen dingen sagt/ist in eben als hören sie
ein merlein/oder Altuettelsche fabulen/Waltens das
uor/die helle sey nicht so heiss/wie man dauon sagt/
der Teuffel nicht so schwartz vnd gewulich wie
man in malet/Gott sey nicht so zornig/wie die Pre-
diger dauon sagen/ja sie haben rechte Heidenische
gedancken/vom zukünfftigen leben/vnd jüngsten ge-
richt/als sey nichts dran/vnd was gilts/wo man in
das hertz auff schnitte/ob man nicht solt mit Delli-
schem atrament darin geschriben finden/ Non est
deus/Es ist kein Gott/denn gewisslich ist inen also
zu muthe / vnd stehen alle ire gedancken/affect/vnd
sinn/also/als were kein Gott.

Solcher Leute sind itzt viel tausent tausent/
auch do man das Euangelion Prediget / ja die es
auch zum theil wol leiden mögen/vnd auch wol des
heiligen Abentmals des Herrn sampt den andern
geniessen/vnd das alles zum schein/vnd ist in in iren
hertze nür ein schimpff/Deñ die weil sie mit verach-
tung des Göttlichen gepots/sich des volltrunckens
üben/vnd solchs gantz vnd gar für keine sünd ach-
ten/ja wöllens Ehre vnd rhum haben/so gewinnen
sie auch verkarre vnd verruckte sinn/ vnd geraten in
eine blindtheit irer hertzen / das sie Gottes werck
(wie dauon geredt) nicht können sehen / oder sich
darein schicken/das ist sie können zu keinem glaus-
ben komen/wie auch Dsee iij. geschriben stehet/
Durerey/Wein/vñ Trunckenheit/nemen das hertz
C iij weg

Of. 4.

weg/das ist nuhn das Erst fruchtlein des vollsauffens / das es arme verbasete blinde Leute macht / welche kein Christlich hertz haben können / leben wie die vnwissenden Thiere / mit vorachtung Gottes vnd aller Göttlichen ding / vnd wie sie leben so sterben sie auch / denn wie sie Gott den rücken zugewandt haben / so hat inen Gott den rücken wider zugewandt / wie geschriben stehet / Mit den vorkarten vorkerestu dich etc.

11. So als sie nun in Göttlichen sachen Spötter vnd vorachter sind / so sind sie auch inn menschlichem thun rauchlos vnd wyld / vnbeding vnd vngesheuer / die keyne sünde achten / lieben keine zucht noch ehr / sind störrig / frech / vnfreundtlich / vnd vnvorsicht / Solcher wilder wüster Leute ist jtz die welt vol vol / Also das man sie wider mit Predigen oder leren / wider mit gesetzen noch gepoten / oder straff / schier mehr zemen vnd vnterhalten kan / dis ist die ander frucht des vollsauffens / vnd ist eben die vnordigkeit / danon Paulus sagt Ephe. v. Saufft euch nicht voll Weins darauß ein vnordig wesen volget etc. Denn ein ordig wesen ist ja das fein ordentlich her gehet / nach den gepoten Gottes / Also das ein mensch Gott altzeit vor augen hat / vnd sich nach seinen gepoten beflissiget in guten wercken / züchtigen messiglichen lebet etc. Nun ist ein vnordig wesen eben das widerspiel / sölchs folgt auß dem voltrinken. Volget weiter.

Darumb

Darumb wirt mein volck müssen weggefürt werden vnuorsehens.

Wenn man wilde vngehewre Thiere zemen wil/so mus man sie fahen/binden/blewen/vñ schlahen/das sie fein zam vnd kôrre werden/dieweil denn die Leute durchs sauffen (wie gehört) gar zu wilden vngehewren Thieren sind geworden/so saget Gott/er müsse sie zemen/domit das sie gefangen / gebunden/weggefüret/vnd wol geschlagen vnd geblewet werden/Als wolt er sagen/Sie sind so gar wild vnd vngehewr geworden / das sie niemand nicht zemen kan / darumb muss ich jeger vber sie schicken/welche sie bestricken/vahen/binden / wegfüren / blewen vnd schlahen / vnd inen mores leren/Also ist auch den Juden geschehen/zu erst durch die Caldeer/dar nach durch die Römer/wie sie auch zuuor eben dar auff vorwarnet weren. Die. xvj. da Got also spricht/ Siehe ich wil viel Jeger aus senden/die sollen sie fahen/auff allen Bergen/auff allen Hügel/vnd in allen Steinritzen.

Dieweil nu wir Deudschen/ durch vnser freysen vnd sauffen/auch vnuornüfftigē Thieren gleich worden sind/vnd sind frech / wild vnd vngemet/wol so böß in dem fall/als die Juden/ja wol ein zehen mal erger / vnd der selbige Gott noch lebet/auch eben noch so gesinnet ist wie er jens mal war/solten wir vns billich auch fürchten / vnd aus der Juden beyspiel Flug werden/Auff das nicht Gott
D. auch

auch vber vns Jeger schicke / welche vns wie die wilden Thiere / fahen / binden / vnd wegfüren / wie den Jüden geschehen ist / Sonderlich / weil wir sehen das solche Jeger vorhanden sein / welche sonderlich geschickt sind wilde Thiere zu fahen vnd zu zemen / das ist / wilde vngezogene Thierische Leute zu fahen / wegzufüren / vnd inen mores zu leren / die Türcken meine ich.

Ach Herre Gott / wie haben die nu etliche hundert jar gejagt / wie haben sie die wilden vngezogene Christen gefangen / gebunden / weggeführt etc. Sie sind weit her aus Scythia komen / vnd haben Armeniam / Arabiam / Syriam / Egipten / Africam / Asiam / Greciam / Traciam etc. durch jaget / vnd alle die selbigen Völcker bestrickt / vnde in jr netz gebracht / vnd sind noch iner in stetlicher vbung / jaggen vnd fahen iner weyter / biss das sie auch newlich auß Hungern vnd Deutschen landen viel tausent gefangen / vnd weggeführt haben / vnd haben auch itzt gantz Hungern eröbert vnd eingenommen / Das sind die rechten jeger / welche die losen Christen (so wider die lere ires Herrn / mit fressen vnd sauffen / ire hertze beschweren also das sie spötter vnd vorachter Gottes / vnd aller Göttlichen vnd Christlichē ding / dazu auch wild / frech / vngezogen / vnd vnbeding werden / das sie wider nach Gott / noch nach den menschen fragen / achten wider zucht / (noch ehre) wyssen zu zemen / damit das sie sie bestricken vnd fahen / füren sie bey viel tausent weg / mit stricken mit keten gepunden / schlagen vnd
blewen

blewen sie mit stangen mit Knüttelen/füren sie nackt
vnd bloß auff die merckte / vnd vorkaufften sie/
wie man Ochsen vnd Schaff vorkaufft/ die ande-
ren zu spiessen vnd zuhacken sie/etc. das heist denn/
Mein volck muss weggeführt werden vnuorsehens.

Nu fresset vnd saufft getrost meine lieben Deut-
schen/bespottet vnd vorachtet ja woll Gottes wort/
vnd vorfolgt da zu/ seit frech wild vnd vngezogen/
wie die wilden Thiere/die jeger sind euch nicht weit/
die euch fahen / Binden/wegfüren/vnd zemen wol-
len / ja sie sind vns noch weit gnug sprechen sie/
was ? weit genung ? Bey dem lieben Gott/sind sie
aus Scythia biss in Hungeren komen/so können
sie auch wol weyter von dannen biss gen Franck-
fort an den Maien/oder Cöllen an den Meyn kom-
men / denn der selbige / der sie so weit her gefüret
hat/Kan sie auch wol weiter füren/Oder weis man
nicht wer sie füret ? Ja möcht einer sagen/der leidi-
ge Teuffel füret sie / wollan füret sie der Teuffel/
So thut ers nicht von jm selber/Es muss ein ander
nachtrug da sein.

Gott hats zuvor wol vor zwei tausent jar weis-
sagen lassen/durch den Propheten Ezech.am xxxviij.
Cap. das er den Türcken(welchen er do selbst Gog
nennet)aus den enden der mitternacht (das ist aus
Scythia/oder aus der grossen Tartarei)eraus füre
wolle/mit einē grossen mechtigē heer vber sein volck
Israel (das ist vber die Christen)vnd sollen komen
wie ein wetter das das landt bedeckt/vnd sagt / das
solchs soll zur letzten zeit geschehen/Sagt auch wei-
ter der Prophet. So spricht der Herr D^{er} du

D ij

bists

bists/von dem ich vorzeiten gesagt habe/durch meine diener/die Propheten/in Israel/die zur selbigen zeit Meyssageten das ich dich vber sie komen lassen wolt/vnd es wird geschehen zur selbigen zeit / wenn Gott komen wird vber das Land Israel / spricht der **HERRE** / wird erauff ziehen mein Zorn (Sihe da nennet er den Türcken seinen Zorn) in meinem grün/vnd ich rede solchs in meinem eyuer/vnd im feur meines Zorns/Denn zur selbigen zeit/wirt gross zittern sein/im Land Israel/das ist vnter den Christen/etc. Des gleichen sagt auch Daniel Cap. vii. von dem Kleinen horn (welchs auch den Türcken bedeut) vnd ich sahe das selbige kleine horn streitē/wider die heiligen(das ist die Christen)vñ behielt den Sieg wider sie/bis das der alter kam etc.

Darumb setzt auch der Prophet **Esaias**/nicht vorgeblich das wort vnuorsehens/Denn wer hette sich doch versehen/das die Caldeer zu erst / darnach die Römer solten Hierusalem die heilige Stad Gottes verbrennen vñ vorstören/vñ die Jüden/ Gottes Volck fahen / vnd wegfüren? Darumb sagt auch Gott durch den Propheten **Nabacuc** Cap. j. Seyhet vnd verwundert euch/denn ich wil etwas thun/ zu Ewren zeiten / welchs jr nicht glauben werdet/wenn man dauon sagen wird etc.

Wer hette sich auch versehen/das der Türck so weit aus der grossen Tartarey komē/vñ Armeniam Mesopotamiam / Arabiam / Syriam / Egyptum / Apheri

Aphricam/Asiam/Greciam/Traciam / Macedoni-
am/Bulgariam/ Seruiam / Bossinam/ Dalmatis-
am/Croatiam/dazu auch (wie newlich geschehen)
Hungariam / eröbern vnd einnemen solt? Dat er
nicht das gantz Orientisch Keyserthum eingenom-
men/vnd sitzt auff des Keyfers Stul/zu Constans-
tinopel? wer hette sich jmer mehr solchs vorsehen?
vnd ist doch alles geschehen/Denn Gott hat in/den
Türcken (wie auch Ezechiel sagt) gleich wie ein
Ross gezeumet/vnd aufs der Grossen Tartarey er-
auffer/bis in Hungern geritten / Solchs ist alles
vnuorsehens geschehen/Denn es sagt auch Ezechiel
Er werde das vnuorwarete Landt vberfallen / vnd
vber die Kommen/so sicher wonen oder sitzen. Was ist
ein vnuorwaret Land. Das ist ein vnuorwaret land/
dorinnen die Leute nicht eins/sondern widderwer-
tig legen einander sind / Solch Land ist ja vnuor-
waret/vnd muss(wie auch Christus spricht) vor-
wüstet werden/Also hat der Türck alle vorgenante
Lender/ja das gantz Orientisch Keyserthum/vber-
fallen / denn es war ein vnuorwaret Land/grosser
zweytracht vnd vneinigkeyt halben.

Liss die Dystorien So wirstu eben sehen/wie
der Mahometh (der itzigen Türcken Grosuater)
Eben die zeit traff / do vnter dem Keyser Heraclio
die grosse vneinigkeyt war im Reich/ja in der gantz-
en Christenheit der Armianer halben/vnd sunst / do
erdichtete der böswicht eine newe Religion / vnd
hengete viel böses volcks an sich/diese hießen zu erst
die Saracener / namen Arabiam ein / dar nach ein

D iij

gross

gross teyl von Syrien/dar nach auch Egipten/vnd
so fortan / Auch ein gross stück von Asia/da wur/
den die Tartaren (so itzt die Türcken heissen) zu
hülff gefordert/wider die Saracener/Als die nun
in Asiam kamen vnd lange gekriegt vnd gesiegt/
vnd das meher teyl von Asia eingenomen hatten/
blieben sie alda / vnd wurden mit der zeit auch gut
Mahometisch vnd wurden außs den Tartaren vnd
Saraceneren ein Volck / welchs itzt die Türcken
sind / die selbigen wurden auch hir nach in Greci/
am von den Kriechen zu hülff gefordert/da funden
sie auch ein vnuorwaret Land / denn es war gross
vneinigkeith da/das Landt namen sie auch ein/denn
ob sie wol daselst waren zu gast gepeten/wolten sie
doch nicht(als sie die vberhandt krygen) gast/son/
dern selbst wyrdt sein/Dabens auch noch also inne/
Also haben sie auch das vnuorwarte Dungen/
land vberfallen / dohin werden sie auch (vneinig/
keit halben) zu gast geladen / vnd sind da nu auch
wirdt zuhaus.

Nu diese Lender alle vber das / das sie vnuor/
wart weren/vneinigkeith halben(wie gehort)so fassen
sie auch sicher/hatten ir ding nicht in acht / frassen
sossen lebten woll/sahen auff Gottes werck nicht/
wie oben dauon geredt / vnd vorsehen sich keins
wegs/das die Türcken sie vberfallen/vnd ire Herrn
werden solten/Nun ist der Türck(wie Esaias sagt
vnd auch Ezechiel) vber sie kommen vnuorsehens/
do sie sicher fassen. etc.

Die weil den nu(wie am tage) Deutsch Land
itzt

itzt ein vnvorwaret Land ist/merglicher grosser vns
einigkeit halben/vñ wir vollen Deutschen daneben
auch sicher sitzen / fressen / sauffen / achten nichts/
dencken der Türck ist vns noch ferne gnug/Laden
vber das noch in sonderheit Gottes zorn auff vns/
domit das wir die vnausprechliche gnade Gottes/
welche vns itzt vor allen völkern der gantzen welt
widderfahren ist/so vorachten / vnd wegstossen/vnd
die gnadenreichen zeit dar in wir heimgesocht wer-
den / nicht erkennen wollen / besondern das heilige
heilsame wort Gottes so trotziglichen vnd mit-
willigen/auch wider vnser eigen gewissen Ketzeren/
Lestern / vnd verfolgen / sollen wir vns (wo nicht
besserung geschiet) gewislich vormuten / Gott wer-
de mit seinem Gauhl (welchen er außs Scythia ers-
auffer geritten hat bis in Hungeren)vns auch vber-
rauschen / vnd lassen seynen jeger/welcher (wie ge-
sagt) so viel Lender durchiaget hat / auch Deutsch
Landt(welchs itzt sonderlich vol wilder Thiere ist)
durch jagen/vnd die wilden Thiere fahen/binden/
wegführen/etc.vnd das vnvorsehens/folget.

Vnd werden seine Herrlichen
hunger leiden/vnd sein Pöbel durst leiden.

Das gehört auch dazu/wenn man wyl die wil-
den thiere bendig vnd kôrre machen / das man sie
hungeren vnd dürsten lasse etc. Also sagt auch Gott
weyl durch fressen vnd sauffen / meyn Volck so
gar vnwendig / wild/vnd yngehewr geworden ist/

D iij

fol

sol jnen auch beyde Herlichen vnd Pöbel/Reichen
vnd armen / der Korb auffgezogen werden / das sie
hunger vnd kummer leyden sollen/vnd ist auch eben
recht also / das vns Gott damit plage/ damit wir
sündigen / wir vorterven vnd machen zu nicht so
mutwilligen / die Edeln Creaturen Gottes / so er
geschaffen / vnd vns zubrauchen geben hat / So
muß Gott dem missbrauche stewarten/vnd vns der
selbigen mangelen lassen / das vns fressen vnd
sauffen/schlemmen vnd temmen/gewehret werde/
Also ist geschehen / den Jüden/welche do sie byn
nen Hierusalem durch die Römer belagert weren/
so groffen Hunger vnd kummer litten/das sie auch
die schuch von den füßen / vnd alten mist frassen/
auch (das grawlich zu sagen ist) Kochten sie vnd
frassen ire eygene Kinder etc. wie Josephus schreibt/
Nu sehen wir itzt / das solche Gottes straffe vber
vns bereyt merghlichen angangen ist / die weil Korn
vñ alles was man zur nottorfft haben muß thewer
ist / vnd ist zubeforgen es wirt noch bass beissen/
weil wir jmer hin fressen vnd sauffen/vnd alles ver
wüsten / Es kan nicht besser werden / Gott schaffe
denn noch einen Himel vnd erden/ja wir hetten als
denn noch nicht gnug / es müß alles gefressen vnd
gesoffen / durchgeleckt/gespeyet/vorgossen/vnd mit
füßen getreden werden / wollan die wilden Thiere
thun jm nicht anderst/ darumb muß man sie hun
gern vnd dürsten lassen/das sie zam werden.

Da

Daber hat die Helle die seele
weit auffgesperret / vnd den rachen auffgethan/
on alle masse/etc.

Das wörtlein Scheol (wie die Hebraisten sa-
gen) heist nicht eigentlich die Helle der verdampfen/
sondern heist ein grab/oder das tödtlich wesen/dor/
ein komen die/so von hinnen faren/Also saget auch
Christus selbst Psal. xvj. Du wirst meine seele nicht
in der Helle lassen/Das ist du wirst mich nicht im
todt oder tödtlichen wesen lassen/Nu wil Esaias sa-
gen/Got wölle auch die Welt vmb des vollsauffens
willen/vnd anderen sünden so dorauß entstehen/
mit grausamer vnd erschrecklicher Pestilentz stra-
ffen vnd plagen/Also das die leute/Reich vnd Arm/
Jung vnd Alt/mit grossen hauffen hyn sterben/ ge-
rad als hette der todt seinen rachen weit auffgesper-
ret / vnd fresse sie jmer weg/Diss ist den Jüden zu
Hierusalem also widerfaren / denn es waren zu
Hierusalem/do es von den Römern belagert wart/
in die dreissig mal hundert tausent menschen / wie
Josephus auch Eusebius schreiben/die kamen das
mehrer teil vmb/ durch schwerdt/hunger vnd Pestis-
lantz/Nu hat Gott der Herr vns seuffer/ vnd spöt-
ter/ja vns wilde vnd vngewore Thiere/ auch etliche
jar her / mit grausamer langweriger Pestilentz ge-
plaget/vnd höret auch noch nicht auff/vnd ist zube-
fürchtē/es wirt noch erger werdē/dieweil wir vnter

Ⓔ

Gottes

Gottes Rthuten vns so gar nichts bessern/sonder
jiner böser werden/denn wir sollens gewisslich da/
für halten/das Gottes drauwen kein schertz ist / Es
ist warlich sein ernst/er wils thun / was er drawet/
so kan ers auch thun/denn er hat den nachdruck/so
sehen wir auch wol/vnd lesens in allen Historien/
wie ernstlichen er die welt zu jederen zeiten bis hie/
her/vmb sünd vnd laster willen/hat gestraffet.

Die weil wir denn nu gehört haben/welch eine
grausame sünd / vnd verdamlich laster die truncken/
heit ist/welchs Gott mit dem ewigen wehe/vnd Hel
lischen feur/dozu auch mit zeitlichen plagen straf
ffen wil/vnd bissher gestraffet hat/so solten wir vns
ja auch ein mal besseren/vnd solchs lasters müßig
gehen/vnd das grausame vnmenschliche sauffen ab
stellen/Solten auch die weltlichen Herrn vnd Re/
genten dozu thun/wie auch etliche löbliche Fürsten/
vnd Stedte schon den andern zum Exempel ange/
fangen haben/das auch ein iglicher haussuater in
seinem hauss solchs nicht gestate/die Predicanten
auch mit einem züchtigen nüchtern leben/vnd fleissi
gem vormanen / straffen / vnd anhalten / das beste
thun / Ob der liebe Barmhertzige Gott seinen
grimmigen zorn / welcher bereit greulich angean/
gen ist / vnd noch hefftiger zuormuten ist/gnedig/
lichen von vns wenden wolt / wie er durch den Pros
pheten Hieremiam sagt / Diere. xviij. plotzlich rede
ich widder ein Volck oder Königreich / das ichs
ausz

aufbrothen / zubrechen / vnd vortreiben wolle/wō
sichs aber bekeret/von seiner bosheit/da wider ich
rede / so sol mich auch rewen das vngelück/ das
ich in gedacht zuthun/Gott verleibe vns seine gena
de/vnd besserere vns alle/ Amen.

Gedruckt zu Magde
burg durch Christian
Ködingen.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Am. He. 982








AB 123806

X 2203512







Ein Sermon
von dem grausamen
vnd vnmenschlichem laster des
volsauffens/ vnd wie es Gott mit
ewiger vnd zeitlicher plage/ auch
durch den Türcken/ zu straffen
drawet/ Aus dem funfften
Cap. Esaie genomen.

D. Eberhardt Weydensehe

67 *Esaie. v.*

Wehe denen so Delden sind
wein zu sauffen/ vnd Krieger
mit bierzechen.

